

# XIV ASEMBLEA NACIONAL DE GALIZA NOVA

- CONSTRUÍNDO GALIZA -



26 de novembro de 2016  
SANTIAGO DE COMPOSTELA



|  |    |
|--|----|
| REGULAMENTO DA XIV ASEMBLEA NACIONAL DE GALIZA NOVA.....   | 3  |
| INTRODUCCIÓN.....  | 1  |
| <b>TESE POLÍTICA</b>   |    |
| 1. COMO AFECTA A DEPENDENCIA DE GALIZA Á MOCIDADE GALEGA? .....  | 1  |
| 1.1. As consecuencias do capitalismo e a Unión Europea nas nosas vidas.....  | 1  |
| 1.2. Por que precisamos soberanía e rachar coa dependencia de España?.....   | 1  |
| 2. ANÁLISE DA SITUACIÓN DA MOCIDADE GALEGA .....   | 1  |
| 2.1. A dependencia condena a mocidade galega á precariedade, desemprego e emigración. ....                                     | 1  |
| 2.2. O ensino, a I+D+i e os servizos públicos galegos no punto de mira do estado español. ....                                 | 2  |
| 2.3. O amordazamento dos nosos dereitos e a ofensiva patriarcal. ....  | 2  |
| 2.4. Persecución da nosa lingua, cultura e dos nosos símbolos nacionais. ....  | 2  |
| 2.5. Unha Xunta carente de políticas de lecer e voluntariado.....  | 3  |
| 2.6. Substancias aditivas: desinformación e prohibicionismo.....   | 3  |
| 2.7. Imposibilitan a emancipación da mocidade galega e o dereito á vivenda. ....   | 3  |
| 2.7. Mobilidade na Galiza; materia pendente.....   | 3  |
| 2.8. A colonización de Galiza e a destrución do medio. ....  | 3  |
| 3. A ALTERNATIVA NACIONALISTA PARA A MOCIDADE.....   | 3  |
| 3.1. Soberanía para ter traballo digno e na terra.....   | 3  |
| 3.2. Soberanía para unha Galiza con servizos públicos e ensino de calidade. Pola Galiza do coñecemento.....                    | 4  |
| - Na defensa do ensino galego.....   | 4  |
| - Investigación e coñecemento.....   | 4  |
| - Sanidade pública, información e asesoramento afectivo sexual. ....   | 4  |
| 3.3. Soberanas. Feminismo e liberdades sexuais.....  | 4  |
| 3.4. Soberanía para unha lingua e cultura galegas vivas e con futuro. ....   | 4  |
| - Medios de comunicación.....  | 5  |
| - Software libre e soberanía tecnolóxica. ....   | 5  |
| 3.5. Soberanía para desenvolvermos o deporte de base e lecer alternativo.....  | 5  |
| 3.6. Lecer responsábel e a saúde sobre o negocio. Substancias aditivas.....  | 5  |
| 3.7. Soberanía para ter dereito á vivenda. ....  | 5  |
| 3.8. Soberanía para gañarmos en mobilidade.....  | 5  |
| 3.9. Soberanía para unha Galiza sustentábel. ....  | 5  |
| 3.10. Soberanía para garantir os dereitos das persoas con diversidade funcional e dependencia. ....                            | 6  |
| 4. A ESTRATEXIA XUVENIL NACIONALISTA.....  | 6  |
| 4.1. Fortalecer a autoorganización, avanzar a autodeterminación, camiñar cara a unha Galiza ceibe e popular.....               | 6  |
| 4.2. Acción social e acción institucional.....   | 6  |
| <b>TESE DE ORGANIZACIÓN</b>  |    |
| 1. IMPULSAR GALIZA NOVA ENTRE A MOCIDADE.....  | 7  |
| 1.1. Axilizar o organizativo. ....   | 7  |
| 1.2. Erguer Galiza dende a base. A importancia de atender e localizar as problemáticas do día a día na localidade/comarca..... | 7  |
| 1.3. Formación.....  | 8  |
| 1.4. O patrimonio e a capacidade financeira da organización. ....  | 8  |
| 1.5. Máis autoorganización feminista e máis implantación da Asemblea de Mulleres.....  | 9  |
| 1.6. Comisión de Liberdades Sexuais e Diversidade de Xénero. ....  | 9  |
| 1.7. Simpatizantes. ....   | 9  |
| 1.8. As sedes do BNG e Galiza Nova comarcais. A Sede Nacional de Galiza Nova e actividade social.....                          | 10 |
| 2. COMUNICACIÓN .....  | 10 |
| 2.1. Comunicación interna nacional e comarcal/local. ....  | 10 |
| 2.2. Comunicación externa.....   | 10 |
| - Mellorar a nosa comunicación interna e externa para unha maior influencia.....   | 10 |
| - Sobre os soportes e publicacións de Galiza Nova: .....   | 10 |

1 **REGULAMENTO DA XIV ASEMBLEA NACIONAL DE GALIZA NOVA**

2  
3 **Capítulo 1. Participación.**

4  
5 **Artigo 1.**

6 Teñen dereito a asistir á Asemblea Nacional todas e todos os militantes con alta dada nos organismos de Galiza Nova e as e os que a  
7 teñan comunicada no Consello Comarcal do BNG até o 10 de outubro e co pago das cotas ao día. Darase de prazo até o 10 de outubro  
8 para que as e os militantes actualicen as cotas. Até o 11 de outubro as e os responsábeis comarcais teñen de prazo para ingresar as  
9 cotas recadadas en man e remitir á Permanente de Galiza Nova o listado de persoas que pagaron na comarca deste xeito. Con todos  
10 os datos que consten a nivel nacional elaborárase o censo de militantes con dereito a voto na Asemblea Nacional, que será trasladado  
11 ás comarcas no prazo establecido. Entre o 12 e o 16 de outubro comunicáranse os erros detectados. Posteriormente comunicáraselle  
12 a cada comarca o censo de Asembleistas definitivo da comarca. Cada militante que se acredite, deberá aboar a cantidade de 10 euros  
13 a fin de contribuír aos gastos da Asemblea Nacional (instalacións, edición dos textos a debate, xantares...).

14  
15 **Artigo 2.**

16 Como observadoras e observadores, con voz, mais sen voto, poderán asistir á Asemblea Nacional as e os simpatizantes e militantes sen  
17 plenos dereitos convidados pola Dirección Nacional ou polas Asembleas Comarcais.

18  
19 **Capítulo 2. Proceso pre-asemblar.**

20  
21 **Artigo 3.**

22 A Dirección Nacional elaborará unha proposta de Orde do Día que recollerá como mínimo os actos de apertura; a exposición, debate e  
23 votación dun Informe da Dirección Nacional; a discusión das teses a debate; a elección das persoas que formen parte da Dirección  
24 Nacional entrante e Secretaria/o Xeral, e os actos de Clausura. Esta proposta será debatida e aprobada por maioría na Asemblea  
25 Nacional.

26  
27 **Artigo 4.**

28 A Dirección Nacional nomeará un grupo de membros do organismo encargado da redacción das Teses. Para a redacción dos textos a  
29 Dirección Nacional convocará varias reunións dunha comisión aberta co fin de que se acheguen propostas. As e os redactores das Teses  
30 presentarán unha proposición de textos á Permanente que serán debatidos na Dirección Nacional. Calquera membro da Dirección  
31 Nacional poderá presentar votos particulares no caso de que exista discrepancia co texto final aprobado por este órgano.

32  
33 **Artigo 5.**

34 A Dirección Nacional aprobará o texto definitivo das Teses, enviándoo ás Asembleas Comarcais para o seu debate. Estas Teses irán  
35 acompañadas dos votos particulares, se os houber, e sempre que as persoas interesadas -membros da Dirección Nacional-, manifesten  
36 a vontade de mantelos.

37  
38 **Artigo 6.**

39 As Asembleas Comarcais debaterán as Teses e os votos particulares. A militancia que cumpra os requisitos do artigo 1, poderá formular  
40 emendas parciais ou á totalidade da Tese. Os votos particulares non poden ser obxecto de emendas, debendo debaterse na súa  
41 totalidade. Para que unha emenda pase a debate á Asemblea Nacional precisa dunha votación favorábel dun mínimo do 30% dos votos  
42 emitidos na Asemblea Comarcal correspondente. Os votos particulares pasarán directamente á Asemblea Nacional.

43  
44 **Artigo 7.**

45 A Comisión Permanente emitirá unha proposta de ditame para a sesión da Dirección Nacional que debaterá sobre as emendas aprobadas  
46 nas A. Comarcais. A Dirección Nacional poderá formular transaccións ás emendas, que serán sometidas ao debate da Asemblea  
47 Nacional.

48  
49 **Artigo 8.**

50 As Asembleas Comarcais deberán emitir propostas de persoas para integrar a lista da Dirección Nacional e envialas, xunto coas  
51 emendas, á Comisión Permanente para o seu traslado á xuntanza da Dirección Nacional. O proceso será o mesmo no caso de informar  
52 da asistencia de convidadas e convidados á sesión da Asemblea Nacional.

53  
54 **Artigo 9.**

55 A Dirección Nacional designará ás persoas encargadas de moderar e defender as Teses, tanto no Pleno como nas diferentes comisións.

56  
57 **Capítulo 3. Funcionamento da asemblea.**

58  
59 **Artigo 10.**

60 A Asemblea Nacional estará formada polo Pleno. Presidirá o Pleno a Permanente que designará dúas persoas coa función de secretaria  
61 que levanten acta da Asemblea Nacional, recollan as emendas, teses definitivas e conclusións. Correspóndelle á Mesa moderar o debate  
62 e levantar acta das resolucións.

63  
64 **Artigo 11.**

65 No debate de cada emenda haberá unha intervención da persoa que a elaborou e outra do relatorio. Posteriormente, pasarase a unha  
66 quenda fechada de palabras, seguida, se a Mesa considerase que fose necesario, dunha segunda quenda.

67  
68 **Artigo 12.**

69 No pleno a Mesa poderá formular propostas de transacción ás emendas. No caso de que a persoa que emende acepte a transacción,  
70 pediranse votos a favor e en contra da transacción. No caso de que non acepte someterase a votación a emenda e o texto orixinal, sendo  
71 aprobado o que máis votos a favor teña.

72  
73 **Artigo 13.**

74 Se unha emenda é aprobada no pleno o seu texto substituirá ao correspondente da tese. Se todas son rexeitadas, entenderase aprobado  
75 o texto orixinal da mesma. Se ningún/unha militante asume a defensa dalgunha emenda, esta entenderase decaída.

76  
77 **Artigo 14.**

78 A Teses someteranse á decisión final do Pleno, que a aprobará ou rexeitará no seu conxunto, nunha soa votación

1 **Artigo 15.**  
 2 O Pleno aprobará as emendas que acaden maioría simple, ou o que é o mesmo, que teñan máis votos a favor que en contra.  
 3

4 **Artigo 16.**  
 5 A Asemblea Nacional elixirá 24 persoas para formar parte da Dirección Nacional. A esta nova dirección sumaráselle a Responsábel  
 6 Nacional da Asemblea de Mulleres -que será electa pola propia Asemblea de Mulleres de entre todas as compañeiras, de acordo cos  
 7 estatutos de Galiza Nova e o presente regulamento- e pasará a facer parte de maneira directa da Comisión Permanente. Aliás,  
 8 sumaranse, no seu momento, á Dirección Nacional as persoas Responsábeis Comarcais, designadas polas súas respectivas asembleas.  
 9

10 **Artigo 17.**  
 11 A elección da Dirección Nacional farase por listas fechadas. Serán válidas todas as candidaturas que inclúan un mínimo de 15 de  
 12 candidatas/os e un máximo igual ao número de postos a cubrir na candidatura, e que sexan presentadas á Secretaría Xeral -que dará  
 13 conta á Comisión Permanente- coa aceptación expresa de cada persoa candidata, 48 horas antes do comezo da Asemblea Nacional. As  
 14 listas deberán manter, tanto nos postos titulares como nas suplencias, unha proporcionalidade entre xéneros que deberá garantir a  
 15 presenza como mínimo do 50% de mulleres. No caso de existir algún erro nas listas poderase corrixir até 24 horas antes do comezo da  
 16 Asemblea Nacional. A Mesa dará a coñecer as diferentes listas no curso da sesión correspondente da Asemblea Nacional.  
 17

18 **Artigo 18.**  
 19 En caso de existir máis dunha candidatura a votación será segreda, e os postos distribuiranse polo procedemento proporcional directo.  
 20 Se só existise unha, a votación faríase a man alzada, quedando proclamada se obtén máis votos a favor que en contra.  
 21

22 **Artigo 19.**  
 23 A Comisión Permanente estará formada por 11 persoas. 10 corresponderán coas 10 primeiras persoas da candidatura e, de haber máis  
 24 listas, estas 10 serán repartidas proporcionalmente ao apoio obtido polas candidaturas presentadas para a Dirección Nacional e segundo  
 25 a orde de cada candidatura. A Responsábel Nacional da Asemblea de Mulleres incorporárase á Comisión Permanente con voz e voto.  
 26

27 **Artigo 20.**  
 28 A Secretaria ou Secretario Xeral electo será a persoa que vaia no primeiro posto da candidatura máis votada.  
 29

#### 30 **Capítulo 4. Proceso post-asemblar.**

31 **Artigo 21.**  
 32 Cando cause baixa un membro da Dirección Nacional electo pola Asemblea Nacional, o seu posto cubrirase coa seguinte persoa da lista  
 33 correspondente. Cando cause baixa un membro da Comisión Permanente elixido pola Asemblea Nacional, o seu posto cubrirase con  
 34 outro membro designado pola lista pola que foi eleito.  
 35  
 36

37 **Artigo 22.**  
 38 A Dirección Nacional reunirse no prazo dun mes logo da celebración da Asemblea Nacional, para o que as Asembleas Comarcais  
 39 deberán elixir neste espazo de tempo Responsábeis Comarcais ou representantes neste órgano. Nas reunións desas Asembleas  
 40 Comarcais, ademais da elección das diferentes responsabilidades políticas, deberanse concretar os acordos da Asemblea Nacional no  
 41 ámbito da comarca, formulando unha análise e unhas liñas de traballo comarcais no terreo político e organizativo, das que se deberá  
 42 informar á Dirección Nacional.  
 43

44 **Artigo 23.**  
 45 O proceso de debate e elección de responsabilidades comarcais, alí onde sexa necesario, estará recollido nun regulamento que deberá  
 46 ser coñecido pola militancia e pola Dirección Nacional e que non poderá ser contrario á redacción do presente regulamento nin dos  
 47 Estatutos de Galiza Nova.  
 48

#### 49 **Disposicións adicionais**

50 **Disposición adicional primeira:**  
 51 Na sesión constitutiva da Dirección Nacional designaranse as persoas encargadas de darlle forma definitiva ao texto aprobado,  
 52 incorporando todas as emendas e resolucións. Logo da pertinente revisión e corrección lingüística, procederase á súa publicación, no  
 53 prazo dun mes, na páxina web da organización e enviaranse a toda a militancia por correo electrónico a través do Galiza Nova  
 54 Comunicación.  
 55  
 56

57 **Disposición Adicional segunda:**  
 58 As emendas ao presente regulamento non poderán ter carácter retroactivo. Polo tanto o Regulamento unha vez aprobado pola Dirección  
 59 Nacional, será válido e e non se poderá emendar até a constitución da Asemblea Nacional, podendo a propia Asemblea na primeira  
 60 sesión plenaria introducir emendas que atinxan ao proceso posterior.  
 61

62 **Disposición adicional terceira:**  
 63 Todas as cuestións aprobadas na Asemblea Nacional que impliquen cambios nos Estatutos suporán a súa modificación automática.  
 64

65 **Disposición derradeira**  
 66 A Mesa que preside a Asemblea Nacional está facultada para interpretar este Regulamento en casos de dúbida ou omisión.

## INTRODUCCIÓN

1  
2  
3 Cambiarnos o presente coas nosas propias mans, decidir libremente como galegas e galegos o noso futuro, facer avanzar a historia  
4 en favor da mocidade e do pobo, facermos de Galiza unha nación ceibe nun mundo xusto e solidario, erguer unha sociedade nova nunha  
5 Galiza onde vivir, traballar, desenvolver coñecemento e prosperar sexa unha realidade. Estes son algúns dos principais obxectivos polos  
6 que traballa Galiza Nova. Cúmpranse 100 anos do nacemento do nacionalismo organizado mediante a fundación das Irmandades da  
7 Fala, un fito de dignidade e rebeldía protagonizado por mozas e mozos que tornaron os destinos de Galiza. O certo é que o nacionalismo  
8 galego é o motor da historia do noso pobo, é a resposta democrática dunha nación periférica aos centros de decisión a un sistema cruel  
9 e corrupto que nos empurra ao empobrecemento e a dependencia. O nacionalismo é, por tanto, un movemento moderno, liberador e de  
10 vangarda, antagónico á actual estrutura xerarquizada dun mundo que se atopa gobernado polo capital e o imperialismo.

11  
12 Mediante a autoorganización do pobo galego facemos avanzar o proceso de autodeterminación de Galiza. A estes parámetros  
13 responde Galiza Nova, actuando socialmente como ferramenta útil para a mocidade, estratéxica para aglutinar xuventude, ampliar a  
14 conciencia nacional das persoas máis novas e proporcionarlles unha organización para defenderse das distintas problemáticas e  
15 desenvolver as alternativas precisas. A organización xuvenil nacionalista segue a ser totalmente necesaria para a xuventude galega,  
16 para o avance da autodeterminación, e para o avance do propio BNG. Cómpre agora actualizar as nosas análises e avaliar as eivas para  
17 mellorar Galiza Nova e avanzar na súa referencialidade.

## TESE POLÍTICA

### 1. COMO AFECTA A DEPENDENCIA DE GALIZA Á MOCIDADE GALEGA?

#### 1.1. As consecuencias do capitalismo e a Unión Europea nas nosas vidas.

25 O avance da globalización capitalista, ou sexa, do imperialismo, busca ampliar o control xeopolítico dos EEUU e os seus aliados  
26 como a UE, Israel ou Xapón, secuestrando a soberanía das nacións e desestabilizando aos pobos que erguen modelos económicos e  
27 sociais ao servizo das maiorías. As potencias capitalistas exercen a violencia, promoven procesos de desestabilización e golpes de  
28 estado nos pobos que exercen a súa soberanía e desafían o imperialismo. A Unión Europea é unha ferramenta do sistema que ten o  
29 obxectivo de formar unha macro estrutura xurídico-política coa capacidade de espoliar a riqueza de pobos como Galiza, en favor do  
30 centro económico europeo. A transferencia de competencias, centralizándoas na Unión, supón unha dupla subordinación da soberanía  
31 naquelas nacións que carecen arestora dun Estado de seu, como é o caso galego, xa que vemos furtada a nosa capacidade de  
32 decisión polo estado español e polo plano europeo.

33  
34 Os chamados tratados de “comercio e investimentos” ameazan as nosas condicións de vida na Galiza. CETA ,TTIP e TISA son  
35 tratados que se negocian en segredo nas altas institucións. O obxectivo real é a eliminación de soberanía dos pobos para facela recaer  
36 nas empresas transnacionais, que quedarían eximidas dos controis e condicións derivadas das lexislacións nacionais. O TTIP supón a  
37 fin da capacidade produtiva en Galiza, xa que as empresas transnacionais poderían fabricar produtos de orixe galega en calquera parte  
38 do mundo que máis beneficios lle traian.

39  
40 Os diferentes estados terán que modificar toda a lexislación que promova a súa economía e industria. As empresas poderán  
41 demandar xudicialmente os estados de considerárense prexudicadas por algunha lei nacional, pero os estados non poderán demandar  
42 as empresas. As demandas serán resoltas por tribunais privados exentos de aplicar o Dereito nacional e o internacional. Ademais,  
43 desregulamentan as relacións laborais por seren un impedimento para a obtención de beneficios.

#### 1.2. Por que precisamos soberanía e rachar coa dependencia de España?

44  
45 A Constitución española é a pedra angular da arquitectura institucional española en Galiza. Mais despois de todos estes anos  
46 temos a experiencia colectiva necesaria para certificar que as predicións que no seu día fixera o nacionalismo galego foron as  
47 acertadas. O tempo verificou que a Transición española foi unha fraude contra o noso País e os dereitos democráticos. O seu fin é  
48 perpetuar a subordinación político-económica, a vulneración do dereito de autodeterminación, a desmobilización, a desestruturación da  
49 sociedade galega e a preservación na Galiza dos privilexios da oligarquía española e as súas institucións asociadas - monarquía,  
50 Igrexa Católica, Exército, etc. -.

51  
52 Está aberta unha oportunidade para un proceso de ruptura democrática, e así nolo indica o panorama actual: un Estado español  
53 devorado pola corrupción, o sometemento a unha crise do modelo territorial á que se lle suma o pulso iniciado dende Catalunya como  
54 resultado dos procesos soberanistas que emerxen en Europa, a decrepitude de institucións como a Coroa ou a fenda aberta no  
55 bipartidismo coa acollida electoral da chamada “esquerda rupturista”, que non deixan de ser os mesmos poderes fácticos reeditando con  
56 novos modelos a fraude do 78.

## 2. ANÁLISE DA SITUACIÓN DA MOCIDADE GALEGA

### 2.1. A dependencia condena a mocidade galega á precariedade, desemprego e emigración.

57  
58 As políticas levadas a cabo sucesivamente pola Unión Europea, o Estado Español (coa complicidade e brazo executor na Xunta de  
59 Galiza), están a atacar as mínimas cotas de soberanía do pobo galego, coas consecuencias que isto trae: perda da capacidade de  
60 decisión sobre as políticas a emprender para desenvolver Galiza, eliminación dos dereitos laborais coas desaparición da negociación  
61 colectiva e a persecución da acción sindical, igualación das condicións salariais e empresariais “á baixa”, despedimento libre, emigración,  
62 destrución dos sectores produtivos... Deste xeito, eliminan os postos de traballo e condenan a mocidade a escoller entre o desemprego,  
63 a precariedade, a explotación ou a emigración.

64  
65 Na actualidade, preto do 50% da mocidade está no desemprego e máis de 70 persoas mozas emigran ao día do noso País. As cifras  
66 de paro e o éxodo aumentaron dende que o PP goberna na Xunta, con máis de 100.000 persoas menores de 35 anos que colleron as  
67 maletas en Galiza dende a chegada de Feijóo. Medidas da Xunta como o programa Galeuropa (co que se financia con cartos públicos a  
68 empresas fóra do estado español que contraten mocidade por salarios cero), bonificacións fiscais a empresas que empregan modelos  
69 de contratación que non garanten estabilidade nin salarios dignos (como é o caso da fraude dos contratos de obra e servizo e os de  
70 formación), contratos temporais de un día ou mesmo por horas... son algunhas as políticas estrela da Xunta para maquillar as estatísticas  
71 do desemprego xuvenil.

## 2.2. O ensino, a I+D+i e os servizos públicos galegos no punto de mira do estado español.

O pagamento da débeda pública, que nós non xeramos, foi a escusa dos partidos españois para reducir o gasto nos servizos públicos e incrementar a súa privatización, maiormente na educación e sanidade públicas galegas. Dende Madrid implantaron reformas educativas para un ensino de elites, como amosa a suba de taxas continua ou a redución de bolsas, e a prioridade dos criterios académicos a respecto dos económicos. Levan anos mercantilizando o ensino co Espazo Europeo de Educación Superior e posteriores normas, que fan depender as universidades e o seus obxectivos de intereses de empresas privadas.

A LOMCE é unha lei mercantilista, clasista, sexista e españolizadora, unha medida coa que o PP pretende eliminar o desenvolvemento do espírito crítico e a posta en cuestión dos dogmas. Impúxose unha lei na que Igrexa volta ter un papel importante, foméntase un ensino españolizador, memorístico, con subvencións á segregación do alumnado por sexos, e no que se garante a reprodución social do machismo.

As políticas de desmantelamento do PP chegan tamén ao sistema galego de I+D+i, recentralizando as competencias e favorecendo aos entes privados. Isto afecta dobremente á mocidade galega, obrigando a emigrar a persoal investigador xa formado e dificultando a formación de novas persoas investigadoras.

## 2.3. O amordazamento dos nosos dereitos e a ofensiva patriarcal.

Vivimos unha involución nos dereitos das mulleres que evidencia o falso discurso dos avances do feminismo en Occidente, concretamente nos territorios periféricos coma o noso. A falta de soberanía e as políticas conservadoras e patriarcais repercuten negativamente na educación, aplicando recortes nas axudas de igualdade e desmantelando os Centros de Información ás Mulleres, e fomentando a política do medo nas mulleres das clases populares ao tentar rachar coa súa capacidade de mobilización e decisión.

Hai que destacar o retroceso nos dereitos laborais, caracterizado pola perda de emprego feminino e polo deterioro das condicións laborais das que aínda manteñen o seu posto de traballo. Nos últimos 5 anos Galiza perdeu 50.900 postos ocupados por mulleres e incrementouse o emprego a tempo parcial obrigado. Por mor da precaria situación, moitas mulleres abandonan a expectativa de atopar un emprego, despois de anos agardando un traballo nun mercado cada vez máis masculino, onde as mulleres e toda a carga asociada á maternidade e coidados considéranse un "problema de produción".

Fenda salarial, recortes de prestacións, de servizos e de garantías sociais, de dereitos sexuais e reprodutivos... Todo isto constitúe un modelo de sociedade onde a desigualdade aumenta entre ricas e pobres e entre mulleres e homes. A maiores, hai que sumar a progresiva privatización e os recortes nos servizos públicos: sanidade, educación, servizos sociais e atención á dependencia a cal repercute nas familias e sobrecarga as mulleres.

A violencia machista que cada ano sofren máis mulleres nas súas expresións máis extremas: o maltrato, a violación e o asasinato, é consecuencia da estrutura patriarcal na que vivimos. Milleiros de mulleres sofren a violencia menos visíbel, a psicolóxica, moitas delas sendo mozas. Condutas socialmente toleradas impostas polos roles e estereotipos de xénero difundidos a través dos axentes de socialización como a familia, amizades, escola, medios de comunicación e Internet. O desenvolvemento das novas tecnoloxías orixinaron novos espazos de control e dominación das mulleres o que carrexou a re-produción da violencia nos espazos virtuais, aumentando os casos de control das mozas.

Estamos ante un goberno galego que non activa os protocolos necesarios, non realiza campañas contra o silencio e complicidade, e non promove a coeducación nos centros educativos para camiñar cara unha sociedade igualitaria e avanzada.

É importante tecer lazos e conexións co movemento feminista galego e traballar por unha transformación social que abrangha máis que o terreo institucional, queremos xerar procesos de autonomía e independencia fronte aos poderes constituídos e o capitalismo, por unha maneira de crear sinerxías que impregnen tamén as estruturas organizativas de participación social.

Nesta análise da situación tampouco podemos esquecer ás mulleres que están sufrindo a crise do capital de forma máis brutal: as mulleres con diversidade funcional (que nin sequera son obxecto de políticas), as traballadoras da economía somerxida, as inmigrantes, as prostitutas e as traballadoras do fogar.

A discriminación que padecen a día de hoxe as persoas LGTBI ven dada pola construción das identidades de xénero binarias Home-Muller e a heterossexualidade como norma, mentres que toda desviación desa norma crea prexuízos sociais como a patoloxización das persoas transexuais, a criminalización dos suxeitos homosexuais ou a corrección cirúrxica das crianzas intersexuais. Para evitar este tipo de cuestións é preciso a creación dun plan de inclusión que loite contra o estigma e discriminación das persoas LGTBI e un réxime sancionador para punir a exclusión social e todo tipo de violencia debido á identidade de xénero ou sexual. As cifras en canto a tentativas de suicidio da mocidade polo rexeitamento e a persecución social son dun 40%, mentres que os discursos da dereita, xunto coa Igrexa e os grupos de poder, provocan o aumento das agresións e da LGTBI fobia. Somos conscientes da porta que se abre co proxecto da Lei Galega de Identidade de Xénero, reivindicación histórica das diferentes entidades que forman parte do tecido Trans de Galiza. Buscando o recoñecemento da identidade de xénero en todos os ámbitos da vida, así como unha carteira de servizos e políticas públicas a favor da inclusión das persoas trans na sociedade.

## 2.4. Persecución da nosa lingua, cultura e dos nosos símbolos nacionais.

Os poderes españois manteñen unha cruzada contra os aspectos que nos identifican como nación. O PP acabou co apoio á creación e difusión cultural galega, desmantelando liñas de axuda, circuitos musicais e audiovisuais, e emprende unha liña de substitución da nosa cultura pola española. Con este mesmo obxectivo, o goberno do PP tamén desmantelou as seleccións deportivas nacionais galegas. Para máis inri, resucitou o partido da selección galega de fútbol previo aos comicios galegos, con carácter electoralista, só en competición masculina, e cunha nefasta difusión. Ao mesmo tempo a exaltación das equipas españolas e a súa simboloxía promove na mocidade galega unha perda de identificación coas equipas galegas e as nosas deportistas.

Dende a chegada de Feijóo á Xunta prohibiuse impartir determinadas materias en galego por vez primeira dende o franquismo, incumpríuse decididamente a Lei de Normalización Lingüística, apóiase dende os poderes públicos ás institucións privadas e públicas que sistematicamente vulneran os dereitos das persoas galegofalantes, subvencionáronse con amplas contías de axudas para medios en galego a empresas de comunicación onde o galego é residual, etc.

Cómpre, pois, reverter as políticas antigalegas, dirixidas a excluír o galego do espazo público -educativo, administrativo, xudicial, mediático, audiovisual, mercantil, etc.- e impulsar definitivamente a cultura galega.

## 2.5 Unha Xunta carente de políticas de lecer e voluntariado.

O PP criminaliza o lecer nocturno da mocidade e faino de maneira hipócrita, pois apoia un modo de lecer consumista en mans de empresas que deseñan e se benefician do modelo de ocio que impoñen. Ademais a Xunta carece de políticas de lecer con programas de ocio e diversificación de actividades diferentes ao consumo de alcol e outras substancias. Non hai preocupación por dotarse de espazos para ocio nocturno que concilien o lecer co descanso da veciñanza. Alias, dáse unha criminalización e represión económica na rúa. A negativa da Xunta a recuperar o Noitebús é propio dun goberno demagóxico que impide pór servizo público de transporte a mocidade para desprazarse por motivos de lecer dunha maneira segura.

O PP desmantelou a Rede Galega de Locais de Ensaio, unha das apostas do BNG durante o goberno na Xunta co obxectivo de potenciar a inmensa creatividade da mocidade galega, en espazos accesíbeis e xestionados pola propia mocidade. A día de hoxe mantéñense activos e referenciais a través de gobernos municipais do BNG.

Con relación á actividade deportiva, podemos analizala dende dous puntos de vista diferentes: a profesional e os clubs de base. A práctica deportiva profesional está condicionada polo capitalismo, que a ve como un elemento máis a converter en negocio. A evolución das grandes entidades deportivas, coa busca de beneficio económico, deixan moi atrás os principios sociais e de saúde física cos que naceu o deporte. Convértense os eventos deportivos profesionais en espectáculos corruptos e machistas, utilizados tamén para desviar a atención da sociedade. Os clubs de base e en especial os femininos, ven como os orzamentos e o apoio que a administración lles brinda son desproporcionados con relación aos que a práctica deportiva profesional obtén, subsisten con dificultades e grazas ao voluntarismo e ao sacrificio.

## 2.6. Substancias aditivas: desinformación e prohibicionismo.

En canto ás substancias aditivas, vivimos unha completa desinformación nos servizos de xuventude. Tampouco existen centros de información especializados nin unha correcta formación no ensino. As substancias aditivas son un tema tabú na nosa sociedade, o que dá lugar a un amplo descoñecemento, estereotipos e estigmatización. Ademais, os gobernos aplican políticas prohibicionistas que potencian o tráfico ilegal e enriquecen o negocio de quen xoga coa saúde pública.

## 2.7. Imposibilitan a emancipación da mocidade galega e o dereito á vivenda.

A Xunta abandonou as políticas de acceso á vivenda en beneficio das grandes promotoras, e deixouse de lado a protección pública e a rehabilitación. Hoxe en día para moitas persoas o dereito á vivenda é inaccesíbel. Na Galiza, 7 persoas son expulsadas das súas casas ao día e a maioría da mocidade non pode emanciparse. Pola contra, os bancos son propietarios de máis de 300 000 vivendas baleiras, e no rural moitas vivendas e mesmo aldeas enteiras esmorecen e se derruban coa complicidade das administracións.

### 2.7 Mobilidade na Galiza; materia pendente.

O noso País presenta un importante déficit en materia de mobilidade, derivando esta situación da ausencia de planificación e da falta de interese por parte da Xunta por vertebrar un sistema de transporte público que comunique as diferentes comarcas de Galiza e sexa consecuente coas características propias do noso País.

Isto dá lugar a unha dependencia do transporte privado para estudar, traballar ou desenvolver calquera tipo de actividade. O transporte público non é a opción prioritaria, xa que ademais da falta de liñas eficientes, atopámonos co encarecemento das tarifas a nivel urbano, comarcal e intercomarcal.

## 2.8 A colonización de Galiza e a destrución do medio.

As políticas postas en marcha polo goberno da Xunta de Galiza son profundamente nocivas para a realidade do noso País. Para mostra, unha das medidas do goberno de Rajoy en funcións foi asegurar 60 anos máis de ENCE en Pontevedra para seguir contaminando a Ría, destruíndo postos de traballo do sector primario e favorecendo o monocultivo de especies foráneas como o eucalipto.

Os lumes que queiman cada ano os nosos montes son adxudicados directamente aos incendiarios sen investigar todos os negocios que hai detrás do lume. Tamén é destacábel que unha política continuada de abandono do rural e dos nosos bosques, unida ás plantacións masivas e desordenadas de especies invasoras (eucalipto, bambú...) e aos recortes en prevención e extinción de lumes (privatizando SEAGA e precarizando as condicións laborais das súas traballadoras e traballadores), favorecen que os incendios se propaguen cada verán con virulencia, volvéndose dificilmente evitábeis e controlábeis.

## 3. A ALTERNATIVA NACIONALISTA PARA A MOCIDADE

Dende Galiza Nova queremos construír un tempo novo para Galiza e para a mocidade con xustiza social, igualdade e liberdade. Queremos vivir e traballar na propia Terra sen que as nosas alternativas ao desemprego sexan o traballo en precario ou a emigración. Loitamos pola soberanía nacional de Galiza e un novo modelo social e económico ao servizo da mocidade e das clases traballadoras galegas, participativo, democrático, feminista e ecoloxista.

### 3.1. Soberanía para ter traballo digno e na terra.

A soberanía é esencial para ter traballo digno en Galiza e frear as políticas de destrución de emprego da Xunta, o Estado español e a Unión Europea. Nunha Galiza con poder de decisión, non estaríamos sometidas aos mandatos de Madrid e Bruxelas e poderíamos pór a producir o País. É prioritario frear a emigración da mocidade e emprender políticas que favorezan o retorno de quen tivo que marchar. Reclamamos traballo digno e na terra, estábel, con dereitos e xustamente remunerado.

Galiza Nova elaborará un Plan de Emprego Xuvenil e o Plan Retorna, e traballará na rúa e nas institucións para demandar a súa aprobación e posta en marcha. Estes plans son unhas das principais medidas que defendemos na campaña e que estiveron presentes no programa do BNG. Están dirixidos a xerar emprego digno en Galiza e fomentar as condicións que permitan o regreso das persoas emigradas, particularmente das mozas e mozos, e que inclúe medidas específicas e transversais aos sectores estratéxicos da nosa economía a reactivar. O noso traballo inserido nestes plans darán especial atención ao retorno de persoal investigador e tecnólogo que se atopa emigrado, esixindo liñas de axudas institucionais. Galiza Nova esixe á Xunta apoio real e económico á creación e ao emprendemento.



1 Para recuperar emprego e gañar en dereitos, Galiza Nova esixe derrogar as reformas laborais do PP e do PSOE, ilegalizar as ETTs  
2 e a prohibir os contratos precarios, eliminar as horas extras, reducir a xornada laboral a 35h, aumentar o SMI, establecer remuneración  
3 cando menos co SMI aos contratos en prácticas, formación e de convenios de empresas con universidades.

### 4 5 **3.2 Soberanía para unha Galiza con servizos públicos e ensino de calidade. Pola Galiza do coñecemento.**

#### 6 7 **- Na defensa do ensino galego.**

8  
9 Decidirmos nós sobre a nosa educación para un ensino galego, público, de calidade, democrático, laico e non patriarcal. Para un  
10 ensino pedagóxico que non se asente no meramente memorístico, para eliminar as reválidas e regular a concesión de bolsas de estudo.  
11 Por iso pulamos por unha Lei Galega de Educación, en función das nosas necesidades e intereses, inserida na nosa realidade social,  
12 cultural, económica e lingüística e que asegure o dereito universal de todos e todas as galegas a unha educación pública e galega.

13  
14 Queremos un ensino laico no que a materia de relixión non forme parte do currículo escolar nin estea presente nos centros de ensino.  
15 Pulamos pola eliminación dos concertos educativos, a comezar polos centros que segregan alumnado por sexos.

16  
17 Ademais, esiximos o aumento de residencias públicas e que se favoreza o acceso a unha vivenda en alugueiro que rodas as  
18 estudantes se poidan permitir.

#### 19 20 **- Investigación e coñecemento.**

21  
22 Os recortes nos servizos públicos tamén desmantelaron a investigación na Galiza, expulsando a moita mocidade que tivo que buscar  
23 oportunidades fóra do noso País ou paralizando proxectos de relevancia.

24  
25 É necesario incorporar ao sistema galego da I+D+i novo persoal investigador cun financiamento estábel e fomentar o I+D+i na  
26 universidade, apoiando os programas de doutoramento. É necesario vincular a política de investigación e formación de persoas tituladas  
27 e doutoradas coa política de inserción laboral, e avogamos polo establecemento dunha carreira profesional investigadora.

#### 28 29 **- Sanidade pública, información e asesoramento afectivo sexual.**

30  
31 O PP recorta, privatiza e desmantela a sanidade para facer negocio coa saúde. Defendemos unha sanidade pública galega e de  
32 calidade, con cobertura universal e gratuíta, para todo o pobo e mocidade, independentemente da situación económica ou familiar de  
33 cada quen.

34  
35 Defendemos a inclusión da cirurxía de reasignación sexual, así como todos os outros tratamentos, asistencia e asesoramento, que  
36 constitúen o tránsito das persoas trans no SERGAS, de forma totalmente gratuíta.

37  
38 A pesar dos anos transcorridos dende que o PP desmantelou e desvirtuou os Centros Quérote (unha medida posta en marcha polo  
39 BNG na Xunta e que fora reivindicación de Galiza Nova) seguimos a considerar necesario un servizo de asesoramento afectivo sexual  
40 científico, confidencial e accesíbel para a mocidade galega que forme nunha sexualidade libre, segura e gozosa. Por iso pulamos pola  
41 recuperación dos Centros Quérote, con persoal formado, máis servizos e atención telefónica e presencial.

### 42 43 **3.3. Soberanas. Feminismo e liberdades sexuais.**

44  
45 Construimos unha Galiza feminista, superadora do patriarcado, sen discriminación por xénero ou orientación sexual.

46  
47 Non admitimos recortes nin retrocesos na loita contra o terrorismo machista. Son moitas as mulleres que viven situacións dramáticas  
48 e vemos como os asasinatos machistas aumentan ao longo dos últimos anos.

49  
50 Dende a Asemblea de Mulleres de Galiza Nova, xunto ao movemento feminista galego, seguimos traballando para esixir poder de  
51 decisión sobre as nosas vidas e que ningunha lei nos poida arrebatara a soberanía dos nosos corpos, como está a acontecer coas mozas  
52 de 16 e 17 a quen se lles impón autorización de país, nais ou xudicial para decidir sobre a súa maternidade.

53  
54 Galiza Nova leva moitos anos reivindicando as liberdades afectivo sexuais e outro modelo de relacións entre as persoas, superando  
55 os preconceptos e as categorías, baseado na soberanía dos corpos, nunha sexualidade libre, segura e gozosa. Dende a Comisión de  
56 Liberdades Sexuais e Diversidade de Xénero cómpre realizar un traballo continuado, pedagóxico, extensivo en todo o territorio e  
57 reivindicativo.

58  
59 A linguaxe perpetúa das desigualdades entre mulleres e homes, xa que non é neutra. Toda a militancia de Galiza Nova debe facer  
60 un uso consciente da linguaxe inclusiva e non sexista no seu día a día, así como en calquera manifestación pública, oral ou escrita da  
61 organización.

62  
63 Ante a recrudescencia da opresión sobre as mulleres, o noso compromiso é derrubar o sistema patriarcal, a través do traballo da  
64 militancia, da Asemblea de Mulleres e do movemento feminista galego. Debemos actuar con contundencia e combatividade ante as  
65 agresións que padecemos e aumentar a consciencia da mocidade pola emancipación das mulleres e polo noso empoderamento. A  
66 militancia debe ser quen de analizar a realidade e ter consciencia das situacións de desigualdade que nos rodean, sensibilizándose e  
67 actuando diariamente contra as violencias que afectan ás mozas, tanto as físicas como as non visíbeis.

68  
69 Reivindicamos unha sexualidade libre e diversa, fronte ao patrón único da heteronormatividade e a dominación do heteropatriarcado.  
70 Esiximos unha aposta clara no sistema educativo e a penalización de todos os ataques discriminadores e penalizadores das persoas  
71 LGTBI.

### 72 73 **3.4. Soberanía para unha lingua e cultura galegas vivas e con futuro.**

74  
75 A lingua e cultura galegas son as expresións do que somos e son as ferramentas esenciais para a cohesión e a transformación social  
76 e o fortalecemento da consciencia e a identidade nacional.

77  
78 Galiza Nova dá a batalla por avanzar na normalización da nosa lingua, e seguiremos impulsando o traballo da Plataforma Queremos  
79 Galego.

Somos moi conscientes de todas as posibilidades que nos brinda a nosa lingua, mesmo a nivel internacional dentro da comunidade

1 lusófona, polo que é fundamental a posta en práctica da ILP Valentín Paz Andrade, aprobada no Parlamento de Galiza. Ademais,  
2 debemos difundir proxectos e iniciativas en galego coa grafía do Acordo Ortográfico da Língua Portuguesa (AOLP) e introducir máis  
3 contidos con esta grafía nas nosas publicacións.

4 A militancia de Galiza Nova debe ser tamén axente activo da normalización lingüística, utilizando a lingua galega en todos os ámbitos  
5 do día a día. Motos dos nomes e apelidos galegos foron deturpados sufrindo a españolización da nosa identidade. A restitución dos  
6 nomes e apelidos tratábase dun aspecto que non deu tempo a facer efectivo dentro da campaña de lingua que estivemos a desenvolver  
7 en 2016. Cómpre levar a cabo esta parte da campaña animando á mocidade a dar o paso a galeguizar e restituír os nomes e apelidos,  
8 a comezar pola propia militancia, que debe tomarse este aspecto como un deber.

9  
10 Non admitimos a manipulación dos nosos símbolos, como Rosalía e Castelao. Tampouco a ocultación e terxiversación da nosa  
11 historia. Ocúltase que o primeiro reino medieval de Europa foi o Reino Suevo de Galiza, que aquí se produciu a Revolta Irmandiña, a  
12 máis exitosa das revoltas tardomedievais, triunfando fronte a nobreza e sendo exemplo de toma de poder do pobo galego, así como a  
13 resistencia que existiu en Galiza fronte os Reis Católicos e as sucesivas ofensivas españolizadoras, que foi esmagada co uso da  
14 violencia. Mentres o ensino e as institucións sigan agochando a nosa identidade, seguiremos a loitar e a dando a coñecer entre a  
15 mocidade a nosa literatura, historia, música, as nosas creadoras e as nosas festas, promovendo cultura alternativa. Porque tamén  
16 queremos festas galegas e populares, fronte á súa españolización e fronte ás touradas, ante as que amosamos o noso completo  
17 rexeitamento, non só pola crueldade e dor para os animais, senón tamén por ser utilizadas para españolizarnos.

#### 18 19 **- Medios de comunicación.**

20  
21 Os medios públicos e os medios de empresas privadas manipulan a realidade do noso País en favor do sistema. A programación da  
22 TVG non está acorde coa realidade galega e eliminou especialmente programas infantís que actuaban como axentes normalizadores.  
23 Queremos medios da comunicación cuxas premisas sexan a liberdade e a obxectividade e que utilicen a lingua galega na totalidade da  
24 súa programación. Os medios deben facer un tratamento adecuado das noticias sobre a violencia machista, visibilizándoa e evitando o  
25 sensacionalismo morboso e a linguaxe e imaxes sexistas. Esiximos que inclúan campañas de promoción da diversidade e o respecto e  
26 contra a LGTBIofobia.

#### 27 28 **- Software libre e soberanía tecnolóxica.**

29  
30 É prioritario potenciar a creación tecnolóxica do noso País, así como favorecer a utilización do software libre, que ademais de crear  
31 postos de traballo fai que deixemos de depender de multinacionais con sede nos EUA.

#### 32 33 **3.5. Soberanía para desenvolvermos o deporte de base e lecer alternativo.**

34  
35 Dende Galiza Nova apostamos por un modelo que rache co deporte como negocio e defenda dun deporte profesional, baseado na  
36 promoción e traballo de deportistas de base. É primordial un control salarial, sobre todo no fútbol, e acabar coas desigualdades que se  
37 producen por cuestións de sexo. Hai que centrar esforzos en apoiar todos aqueles deportes que ficaron no esquecemento para o goberno  
38 da Xunta, e máis a aqueles que potencian deportes tradicionais galegos e a deportistas de base. Apoiamos ás mulleres dentro do deporte,  
39 e esiximos promoción dos equipos femininos e deportistas galegas. Esiximos seleccións deportivas nacionais que sexan oficiais e que  
40 sirvan para conformar unha maior canteira nas diferentes disciplinas, buscando simultaneamente a creación dun vínculo entre deporte e  
41 identificación con Galiza.

42  
43 Existen alternativas á cultura do capitalismo, sobre todo no lecer nocturno, por iso esiximos oferta de actividades e de espazos  
44 públicos de lecer alternativos que opten por amosar toda a potencialidade do noso panorama musical e cultural en galego, que pulen  
45 pola convivencia e non teñan como obxectivo único o lucro económico.

#### 46 47 **3.6. Lecer responsábel e a saúde sobre o negocio. Substancias aditivas.**

48  
49 Para solucionar as situacións que viven as persoas drogodependentes e as súas familias non podemos aceptar as insuficientes  
50 políticas do PP no goberno da Xunta, excluíndo socialmente e desprezando a aquelas persoas que sofren estas enfermidades.  
51 Precisamos políticas que potencien plans de prevención e información sobre drogas, obradoiros de saúde sobre trastornos alimenticios  
52 e puntos de información e axuda.

#### 53 54 **3.7. Soberanía para ter dereito á vivenda.**

55  
56 Esiximos a expropiación das vivendas baleiras en propiedade da banca para a creación de parques de vivenda públicas en alugueiro  
57 dirixidos a persoas sen recursos e xente moza.

58  
59 O rural galego representa unha área potencialmente habitábel dado o gran número de vivendas abandonadas, cando non aldeas  
60 enteiras. É competencia das administracións autonómicas e locais pular pola recuperación do rural, dotándoo de acceso a servizos  
61 públicos que garantan unha vida plena e digna.

#### 62 63 **3.8. Soberanía para gañarmos en mobilidade.**

64  
65 Urxen medidas que poidan dar resposta aos problemas de mobilidade que ten a mocidade galega. Por iso defendemos un ferrocarril  
66 público de proximidade, público, económico e sostíbel: o GALTREN. Cómpre anular as concesións de transporte por estrada para evitar  
67 o negocio de empresas privadas que aproveitan as necesidades da poboación galega para sacar grandes beneficios. É necesario  
68 establecer tarifas que se adapten á situación económica da mocidade e do estudantado de ensino medio e universitario, para favorecer  
69 o transporte público a nivel local, comarcal e nacional. Tamén ampliando os horarios para favorecer a combinación entre as diferentes  
70 liñas e unha mellor comunicación.

#### 71 72 **3.9. Soberanía para unha Galiza sustentábel.**

73  
74 No camiño colectivo cara a sustentabilidade é onde se atopa a resposta para conseguir revertir a situación actual e futura, adoptando  
75 políticas e tecnoloxías limpas. É papel de Galiza Nova por de manifesto os verdadeiros culpábeis da situación ambiental e realizar  
76 campañas explicando a situación do País. Debemos potenciar políticas sustentábeis e campañas de concienciación, traballando con  
77 organizacións ecoloxistas e defensoras do territorio, como ADEGA, e asociacións e plataformas como a Asociación pola Defensa da Ría,  
78 a Sociedade Galega de Historia Natural, CEMMA, Monte Pindo Parque Natural, Asociación Ambiental Senda Nova....

### 3.10. Soberanía para garantir os dereitos das persoas con diversidade funcional e dependencia.

Co desmantelamento dos servizos públicos, as persoas con diversidade funcional estanse vendo gravemente afectadas xa que se pon en perigo a inclusión social. Dende Galiza Nova debemos promover a inclusión con iniciativas a nivel socio político. As persoas con dependencia son totalmente abandonadas, ao reducir o PP as axudas á dependencia. Debemos traballar en favor dos seus dereitos e non nos esquecer de ningún destes sectores.

## 4. A ESTRATEXIA XUVENIL NACIONALISTA

### 4.1. Fortalecer a autoorganización, avanzar a autodeterminación, camiñar cara a unha Galiza ceibe e popular.

Galiza Nova ten como principal reto continuar co seu reforzamento e referencialidade ampliando a base militante, o seu dinamismo e actividade social. Colectivamente Galiza Nova foi quen de saír fortalecida dunha das etapas máis duras do nacionalismo, tras os abandonos de quen optou por sumar na estratexia da esquerda española, e tras sucesivas desilusións e perda de apoio electoral. Malia isto, fomos quen de superar esta crise e a día de hoxe, a pesar das eivas que debemos continuar a mellorar, Galiza Nova móstrase como organización refundada, reforzada, cohesionada, con implantación territorial e renovada mediante a incorporación de militancia moi nova en idade. As últimas eleccións galegas nas que o BNG recuperou apoio social supón un indicativo da abertura dun tempo novo para o nacionalismo. Agora debemos traballar con enorme dedicación e coidado para consolidar os apoios e confianza depositadas. Estabamos no certo cando nas anteriores teses enunciámos que os avances e logros que acade Galiza Nova dependen única e exclusivamente da súa militancia, polo que é moi importante que por parte de todas e todos nós se teña unha actitude activa e construtiva dentro da organización.

O movemento xuvenil e asociativo na Galiza atópase dende hai anos nunha situación feble. Pola nosa banda son moitas as eivas a mellorar, principalmente no que ten a ver coa estrutura de Galiza Nova, a formación, a axilidade á hora de elaborar repostas ás problemáticas da mocidade, incrementar a nosa capacidade de convocatoria, ampliar a base de afiliación e reforzar a implantación territorial e actividade local e comarcal con campañas e xeración de repostas propias, así como un uso máis eficiente dos mecanismos organizativos e de comunicación.

A Dirección Nacional xunto ás comarcas afectadas deben trazar un plano de actuación específico e obxectivos concretos para ampliar o nacionalismo xuvenil nos ambientes urbanos, onde a día de hoxe temos importantes dificultades. En concreto, o caso de Vigo precisa dunha acción planificada propia para saír da febleza na que estamos nesta cidade. Debemos tomar prioritario reorganizar Galiza Nova nos territorio con maior debilidade, concretamente as comarcas de Lugo Sul, Ourense-O Carballiño, Celanova-Baixa Limia, Allariz-A Limia-Maceda e O Ribeiro.

A estratexia do nacionalismo galego entende a autoorganización do pobo en estruturas propias como o primeiro chanzo do proceso de autodeterminación. A esta tese responde Galiza Nova, que é a ferramenta estratéxica para aglutinar a mocidade, ampliar a conciencia nacional das persoas máis novas e proporcionarlles unha organización para defenderse das distintas problemáticas. Galiza Nova, como a organización xuvenil da fronte patriótica, é necesaria para o avance do BNG entre a mocidade e para organizar máis xuventude que desexe mellorar as condicións de vida actuais, unha liña que está incardinada no obxectivo político da consecución dun novo status político para Galiza, que avance cara á nosa independencia e a República da Galiza.

A estratexia de Galiza Nova sempre se asentou na necesidade dun Movemento Xuvenil Nacionalista Galego coordinado e unido. Polo tanto, é fundamental o papel activo da militancia para impulsar o nacionalismo xuvenil no ensino medio e universitario, implicándose no avance de ERGUER. Do mesmo xeito, a nosa militancia debe implicarse en impulsar a afiliación sindical entre a mocidade na CIG e participar e impulsar tecido asociativo xuvenil ao longo do País.

### 4.2. Acción social e acción institucional.

Na anterior Asemblea Nacional analizamos o papel do nacionalismo perante os incipientes movementos sociais e políticos españois triunfantes naquela altura. Entendiamos que a nosa estratexia debía basearse en dotar a Galiza Nova dunha liña que xerase entusiasmo e maior combatividade, e en espallar o nacionalismo como elemento de ruptura e como chave para superar a crise de maneira favorábel para a mocidade galega. Dous anos despois, a situación de Galiza Nova mellorou, mais a nosa estratexia continúa en vixencia: defensa do principio de auto-organización e do activismo social da militancia a pé de rúa, cun traballo continuo e colaborativo coa veciñanza e os movementos sociais, creación de poder popular e elaboración de alternativas concretas para a mocidade galega.

Debemos seguir dotándonos de maior contundencia e imaxinación nas respostas, nas formas e nas alternativas políticas, maior dinamismo e máis capacidade de reacción-adaptación.

Para aplicar e facer seguimento a este traballo social hai dous anos creamos a responsabilidade na Dirección Nacional de Activismo e movementos sociais, cuxa función é a de fomentar a participación social da organización nos movementos e plataformas e o activismo entre a nosa militancia. Porén, esta responsabilidade non se efectivizou. Cómpre agora dar relevancia a esta área na Dirección Nacional que, ademais, ha de estar inter-relacionada coa responsabilidade de institucional para darnos máis voz ás problemáticas e intereses da mocidade galega.

A acción social foi neste período o noso principal traballo, mais cómpre non esquecer a acción institucional. De feito, é preciso que todo tipo de campañas vaian acompañadas de mocións, iniciativas, propostas, denuncia nas institucións... Por tanto, debemos ampliar o contacto coas concelleiras e concelleiros que pertencen a Galiza Nova, coas concellarías de mocidade, e coa representación parlamentaria galega e europea, así como co tecido asociativo.

## TESE DE ORGANIZACIÓN

### 1. IMPULSAR GALIZA NOVA ENTRE A MOCIDADE

Perante a realidade social e a situación da mocidade analizada na Tese Política, faise necesario continuar a reforzar Galiza Nova gañando maior referencialidade para o nacionalismo entre as mozas e mozos do noso País. De seguido abordamos cuestións fundamentais de interese no día a día de Galiza Nova para mellorar o funcionamento e facer da nosa organización unha ferramenta máis forte, útil e con maior incidencia na mocidade.

Un dos retos máis importantes ante os que nos atopamos é ampliar a implantación territorial da organización. Faise preciso dinamizar as comarcas e poñer en marcha grupos de traballo locais con iniciativa propia que acheguen a alternativa nacionalista á realidade de cada localidade e estean en contacto coa mocidade e as súas problemáticas do xeito máis achegado posíbel e que sexan quen de xerar dinámicas de traballo propias. As responsabilidades comarcais/locais ou as persoas que se encarguen de dinamizar os grupos locais deben ser quen de impulsar dinámicas de traballo continuadas. É necesario manter o contacto cos problemas e intereses da mocidade e actuar en consecuencia.

No difícil contexto no que nos atopamos para o nacionalismo temos que ser quen de espallar as nosas ideas co contacto directo coa mocidade, a comezar polos círculos máis próximos de cada militante, sermos quen de localizar os conflitos e problemas locais para artellar unha reposta e unha alternativa concreta, que poida dar pé a unha campaña local ou a unha acción precisa.

#### 1.1. Axilizar o organizativo.

No funcionamento diario tanto a nivel nacional como comarcal e local debemos seguir na liña de axilización da organización facendo máis rápido o funcionamento de Galiza Nova, compaxinando ao mesmo tempo a colectivización e toma de decisión democrática a nivel asemblear comarcal/local.

Resulta moi importante que a nosa organización sexa quen de levar traballo adiante sen atrancarse, é prioritario ter iniciativa. As Asembleas son órganos de debate e resolución, o traballo político debe ser debatido e colectivizado. Mais isto debe ser conxugado cun activismo diario e unha planificada organización do traballo por parte da dirección política local, comarcal e nacional.

As campañas ou accións políticas nacionais ou de proximidade propostas e aprobadas nas asembleas comarcais ou locais serán propostas concretas e acordadas ao traballo real que podemos asumir dende a Asemblea. Para isto cómpre unha boa planificación, con prazos reais/asumíbeis polo militancia e obxectivos políticos claros.

Unha peza clave para a mellora do funcionamento da organización dende a súa base son as Responsabilidades Comarcais e Locais, pois da súa iniciativa, a súa implicación, e da súa capacidade de organización dependerá que Galiza Nova teña un traballo constante e ben organizado nos seus respectivos ámbitos territoriais. As persoas que exerzan estas responsabilidades deben dedicar tempo á asemblea da que sexan responsábeis, así coma coñecer a organización para conseguir o seu correcto funcionamento.

Outra figura importante a tender a recuperar nas comarcas é a Responsabilidade de Organización Comarcal, para unha correcta distribución do traballo político e organizativo coa Responsabilidade Comarcal e Locais, co obxectivo tamén de que o traballo non recaia só nunha persoa e así se traballe conxuntamente.

Do mesmo xeito recuperárase neste período a Comisión Nacional de Organización, que segundo os estatutos fórmana as persoas que sexan elixidas coma Responsábeis de Organización nas distintas comarcas e a Responsabilidade de Organización Nacional, para favorecer a interrelación entre as distintas comarcas, coordinar o traballo das campañas nacionais entre todas as comarcas e que dende a Dirección Nacional se teña un coñecemento máis profundo da realidade da organización no conxunto da nación.

Debemos actuar con axilidade para trasladar á mocidade información precisa sobre as problemáticas, acompañada da nosa proposta alternativa. A nosa resposta debe ser rápida, contundente e organizada. A nosa mensaxe debe ser clara e pedagóxica, que poida entender calquera persoa nova que se interesa por vez primeira nunha información política.

Para un correcto funcionamento da organización, os organismos nacionais de Galiza Nova, Comisión Permanente e Dirección Nacional, terán un ritmo de traballo constante e acorde ás demandas da organización. As compañeiras e compañeiros dos organismos nacionais deben priorizar o traballo destes organismos así como a súa asistencias, participación activa nos debates e corresponsabilización do traballo colectivo e individual co obxectivo de mellorar as propostas políticas da organización e as liñas de actuación.

As persoas membros da Comisión Permanente e da Dirección Nacional deben priorizar as reunións deste órgano e comprometerse a axilizar o organismo de cara a, sen detrimento do debate, conferir á organización unha maior capacidade de dar respostas inmediatas. Se ben é certo que o ritmo de traballo pode variar en función das circunstancias de cada comarca, é preciso que esta mesma actitude se extrapole na medida do posíbel ás comarcas e localidades para conseguirmos que a nosa organización sexa punteira.

#### 1.2. Erguer Galiza dende a base. A importancia de atender e localizar as problemáticas do día a día na localidade/comarca.

Un dos principais obxectivos fixados pola XIII Asemblea Nacional de Galiza Nova fora a implantación das localidades fronte as comarcas como célula fundamental do traballo da organización. Cómpre facer autocrítica e ser conscientes como organización de que non fomos quen de dar este cambio neste período. Non obstante, debe ser de novo un dos nosos obxectivos mellorar a operatividade da organización e impulsar un maior dinamismo dende os grupos de traballo locais e comarcais, dependendo da realidade de cada comarca, poñendo en marcha de campañas que atendan aos problemas máis directos da mocidade a nivel local. As persoas que asuman a Responsabilidade Comarcal e a Responsabilidade Comarcal de Organización deben traballar na cohesión de toda a comarca e na organización e colectivización do traballo a nivel comarcal e local, establecendo un contacto directo e continuado cos organismos nacionais.

Debemos relacionar os problemas do día a día da mocidade galega coa nosa situación de dependencia nacional a través de campañas e accións atractivas e pedagóxicas que atendan a estes problemas e acheguen as nosas propostas e solucións. Un claro exemplo disto sería a campaña do BNG e Galiza Nova nas últimas Eleccións Galegas, na cal sen rebaixar a carga ideolóxica se relacionou esta mesma con propostas en firme para a mocidade e o pobo galego.

Temos que ser quen de explicar á mocidade galega que a solución dos seus problemas máis próximos pasa polo nacionalismo e

1 pola autoorganización. Isto, de certo, é ben máis complexo ca unha simple campaña xenérica, mais é o xeito de convencer ao maior  
2 número de mozas e mozos e de espallar a nosa ideoloxía dende o concreto ao xeral.

3  
4 Para estes obxectivos consideramos necesario levar a cabo neste período as seguintes accións:

5 - Na medida do posíbel en cada comarca **crear ou dinamizar un grupo de mocidade que traballe de xeito coordinado e**  
6 **cohesionado**. Existen comarcas onde é moi complexo realizar asembleas comarcais de xeito periódico, mais é prioritario que exista  
7 unha interlocución continuada entre a persoa Responsábel Comarcal e Responsábel Comarcal de Organización coa militancia da  
8 comarca. Alí onde sexa posíbel, crearanse grupos de traballo local se existe a posibilidade de ter unha actividade constante ao longo do  
9 tempo. A finalidade é facer máis operativa a organización. Estes grupos deberían corresponder ao ámbito máis próximo no que se poidan  
10 realizar actividades como Galiza Nova. Isto melloraría a operatividade da organización ao estar concentrada dun xeito xeográfico da  
11 maneira máis achegada posíbel entre as e os militantes e cun entorno claro no que traballar coa mocidade.

12  
13 - Nesa mesma liña estes grupos deberían levar a cabo **campañas e accións relacionadas coas problemáticas locais ou comarcais**  
14 **da mocidade galega no seu ámbito máis próximo**. Exemplo disto poderían ser campañas de mellora do servizo de autobús, aumento  
15 do horario de apertura da biblioteca pública, etc. Estas campañas permitirán que Galiza Nova estea moito máis presente entre a xente  
16 nova das distintas comarcas e localidades e farán que sexamos unha organización moito máis próxima ás problemáticas diarias da  
17 mocidade galega así como útil para a mesma, aportando solucións e dotándonos dunha maior referencialidade.

18  
19 - A Dirección Nacional debe desenvolver campañas marco, mais centrarse en achegar colaboración, coordinar e impulsar que as  
20 distintas comarcas e localidades poñan en marcha este tipo de campañas e accións propias e concretas.

21  
22 - Nesa liña conseguiríamos ter unha organización máis viva e activa dende a base cunha capacidade real de incidencia nas capas máis  
23 mozas da sociedade galega dende a proximidade ás mesmas.

### 24 1.3. Formación.

25  
26 Un dos principais cometidos de Galiza Nova é ser unha escola de formación para a mocidade nacionalista, dotándonos de recursos  
27 en diferentes soportes, xornadas, debates... de cara a conseguirmos unha organización sólida nos principios, solidaria na acción, e  
28 cargada de argumentos para dar a batalla das ideas en todos os campos do día a día, sendo capaces de convencer coas nosas  
29 palabras e feitos, fortalecendo as nosas conviccións, cuestionándoo todo pero nunca sendo influenciábeis pola doutrina individualista e  
30 a propaganda do sistema.

31  
32 Outro aspecto a atender é o coñecemento por parte da militancia e en concreto dos seus cadros organizativos do funcionamento  
33 diario de Galiza Nova, e optimizar deste xeito o traballo realizado.

34  
35 A nivel nacional potenciouse a carga formativa das Xornadas da Mocidade Galega e nas Xornadas de Historia de Galiza. Pularase  
36 por seguir na mesma liña dotando de contidos formativos estes eventos. As Xornadas de Rosalía de Castro a Nós foron descentralizadas  
37 e con elas achegamos distintos contidos formativos en materia de feminismo ao longo do País con obradoiros prácticos e teóricos.  
38 Cómpre seguir con este tipo de actividades, así como facer referenciais as Xornadas Feministas de Ordes organizadas pola Asemblea  
39 de Mulleres de Galiza Nova.

40  
41 Cumprindo co mandato da anterior Asemblea Nacional leváronse a cabo xornadas nacionais formativas e de debate temático  
42 (xornada sobre acción municipal, xornada sobre traballo e dereitos laborais). Puxéronse en marcha contidos para a rede, algúns máis  
43 extensos coma os cadernos formativos e outros máis breves coma os que se lanzaron baixo o formato Galiza Nova Formación. Cómpre  
44 mellorar o formato destes contidos para ampliar a súa utilidade e difusión; así como traballar a súa difusión entre a militancia nas  
45 asembleas comarcais.

46  
47 Será considerada coma unha prioridade a formación da nosa militancia pois é fundamental para o tempo novo que se abre para o  
48 nacionalismo galego, e do que Galiza Nova terá que ser parte fundamental a nivel xuvenil, ser quen de relacionar a mellora das condicións  
49 materiais de vida da mocidade galega coa ruptura coa situación colonial e de dependencia na que vive a nación.

### 50 1.4. O patrimonio e a capacidade financeira da organización.

51  
52 Unha organización sólida é aquela independente nos seus recursos económicos, polo que cómpre reforzarmos vías de financiamento  
53 propias sen que supoñan unha carga sobre a militancia.

54  
55 Tal e como vimos facendo, a composición de grupos de traballo e a creación de deseños propios supón un aforro importante dos  
56 nosos recursos. Este traballo, ademais de resultar gratificante para nós como militantes, axuda a reducir o gasto económico da  
57 organización.

58  
59 Tamén nos afecta a represión económica que ven sufrindo a mocidade galega nos últimos tempos e que cobrou un papel moi  
60 importante nesta etapa, na que Galiza Nova tivo que facer fronte a varias sancións. Esta situación empeorou por mor da aplicación da  
61 Lei de Seguridade Cidadá.

62 Tendo en conta estas dúas cuestións, atopámonos coas seguintes solucións:

63  
64 - Domiciliación das cotas da militancia. Os estatutos de Galiza Nova marcan a obrigatoriedade da domiciliación para toda a  
65 militancia, agás nos casos de militantes que por razóns económicas a Asemblea Comarcal decidira reducir ou eximir do deber de cotizar.  
66 Por tanto é necesario que a militancia adquira o compromiso da domiciliación para contar con recursos inmediatos na caixa nacional co  
67 obxectivo de facer posíbel o traballo político de Galiza Nova en todo o País. No caso de que a domiciliación non sexa posíbel por causas  
68 de forza maior, a Responsabilidade Nacional de Finanzas conxuntamente coas Responsabilidades Comarcais deberán asegurarse do  
69 cobro das cotas cada 3 meses.

70 - Ampliar o número de militantes que se acollan á cota mensual voluntaria de 6 euros.

71  
72 - Venda de material. A venda de material estanos reportando nos últimos tempos unha suma importante para financiar a nosa  
73 actividade. O conxunto de militantes de Galiza Nova debe comprometerse a colaborar coa venda do mesmo en todos aqueles sitios nos  
74 que sexa posíbel. É por iso que resulta de vital importancia que cada comarca conte cun calendario de actos, feiras, festivais e demais  
75 eventos nos que se posibilite a venda de material de Galiza Nova. As comarcas que o precisen recibirán a metade dos beneficios que  
76 obtiveron coa venda de material na súa comarca. Debe ser prioridade no novo período dar cumprimento á creación dunha tenda virtual,  
77 co fin de facer visíbel a nosa simboloxía a través do noso material.

78 - Actividades que axuden á obtención de recursos para posibilitar a edición de campañas: nunca foi nin será obxectivo de Galiza  
79

1 Nova obter beneficio para si mesma, pero contar con maior liquidez axuda enormemente ás comarcas a levar adiante traballo político.  
 2 Nese sentido, pularemos para que as actividades que realicemos nos permitan obter recursos económicos para manter a nosa actividade  
 3 política, ben sexa coa edición de rifas, bonos axuda ou con colaboracións voluntarias.

#### 5 **1.5. Máis autoorganización feminista e máis implantación da Asemblea de Mulleres.**

7 As mozas galegas somos marxinas e oprimidas dun xeito tripo: Como mulleres que vivimos nun sistema patriarcal e como  
 8 membros dun segmento da poboación (o da mocidade) que padece de forma esaxerada todas as problemáticas que analizamos con  
 9 anterioridade. Mais non podemos esquecernos de que pertencemos a un pobo oprimido na periferia da Europa Occidental. Sabemos da  
 10 importancia do feminismo, da necesidade de continuarmos na loita pola destrución do sistema patriarcal e a construción dunha sociedade  
 11 libre de explotación. A nosa debe ser unha vontade de ruptura e transformación, de revolución global, no público e no privado.

13 Por iso, é máis necesario ca nunca o compromiso de todas nós co derrubamento do patriarcado, dotándonos de ferramentas para  
 14 combatalo no seu día a día. Ferramentas como a Asemblea de Mulleres, un espazo de mulleres onde debater, analizar e traballar accións  
 15 concretas para combater o patriarcado, pero tamén para fortalecernos nós e á propia asemblea.

17 Neste período intersamblar, o espazo feminista de Galiza Nova experimentou unha redución do traballo a pe de rúa e de  
 18 organización a raíz de que a lei do aborto deixou de estar na axenda política, o movemento feminista galego reduciu a súa mobilización.  
 19 Atopámonos nun momento no que o movemento feminista está desmantelado, porén é preciso que a asemblea de mulleres de Galiza  
 20 Nova teña actividade e ritmo propio á marxe do nivel de activismo que poidan ter os distintos colectivos feministas do país. En canto  
 21 atinxe a Galiza Nova, tamén é preciso salientar as constantes campañas electorais que dificultaron en moitos casos ter actividade propia  
 22 neste eido.

24 As estruturas asemblearias das comarcas e localidades son insuficientes, mesmo nalgún caso inexistentes. Debemos tomar  
 25 conciencia de que as asembleas comarcais son imprescindibles para o funcionamento da nosa actividade feminista. É preciso, polo  
 26 tanto, que traballemos neste eido para que se reactiven e constitúan as asembleas locais e comarcais por todo o país onde teñamos  
 27 compañeiras para adquirir maior dinamismo. Así mesmo, unha importante función das asembleas locais e comarcais de mulleres debe  
 28 ser o impulso de actividades propias e que se trasladen á Asemblea Nacional para executalas por todo o país.

30 Á hora de construírmos unha nación, o feminismo vai poñer enriba da mesa temas que poden entrar en contradición con outras  
 31 posicións que non contemplan as loitas contra o patriarcado. Neste senso o feminismo debe ser un vector fundamental para que esa  
 32 construción nacional se realice sobre os prismas de xustiza e igualdade. Só dende a loita anticapitalista e antipatriarcal poderemos  
 33 conseguir unha mudanza radical desta sociedade e construírmos unha Galiza realmente libre.

35 Neste eido, é importante a labor formativa da Asemblea de Mulleres para toda a militancia de Galiza Nova que debe incrementar a  
 36 súa consciencia sobre a importancia da loita feminista dentro do nacionalismo. Mais isto só pasa pola implicación de toda a militancia  
 37 no desenvolvemento do traballo feminista que deseñe e promova a Asemblea de Mulleres, fuxindo entre outras actitudes da linguaxe  
 38 sexista e dos micromachismos.

40 Deste xeito, a continuación temos que facer mención ao funcionamento e a organización da Asemblea, da que daremos conta en  
 41 sinalar a continuación:

- 42 - A Asemblea de Mulleres de Galiza Nova é o máximo órgano de decisión da organización en materia de xénero, sendo deste xeito  
 43 un organismo autónomo. Están convocadas á mesma todas as militantes de Galiza Nova.
- 44 - Co obxecto de axilizar e reforzar esta labor, as responsábeis comarcais e locais das asembleas de mulleres, deben facer o propio  
 45 nas súas comarcas, buscando deste xeito que ningunha moza quede fóra da Asemblea por descoñecemento da súa existencia.
- 46 - As reunións da Asemblea Nacional de Mulleres serán anunciadas ao conxunto das mozas de Galiza Nova por medio de  
 47 convocatorias individualizadas a cada un dos seus membros coa antelación necesaria para que todas poidamos conciliar as nosas vidas  
 48 co funcionamento da Asemblea. Deste xeito, a data escollida levarase con antelación a unha valoración conxunta a través do correo  
 49 electrónico para cadrala nunha data que conveña á maioría.

#### 51 **1.6. Comisión de Liberdades Sexuais e Diversidade de Xénero.**

53 Nos últimos meses reactivouse a Comisión de Liberdades Sexuais e Diversidade de Xénero facendo campañas a nivel nacional e  
 54 participando nas mobilizacións relacionadas coa temática que foron convocadas neste período.

56 O noso traballo en materia de liberdades sexuais debe incrementarse e descentralizarse de Compostela co fin de sermos unha  
 57 ferramenta útil para a mocidade LGTBI. O noso traballo debe ser en todo o País, pegado ao tecido asociativo e de base e achegar  
 58 ferramentas útiles para combater o cisheteropatriarcado. Debemos facer pedagogía nos distintos ámbitos da sociedade e crear unha  
 59 dinámica de traballo constante e estábel, sen reducir a actividade a reivindicar só as datas sinaladas. Neste período instauramos o 8 de  
 60 xuño coma o Día da Visibilidade Lésbica Galega, en conmemoración do casamento de Marcela e Elisa na Coruña. Non deixemos este  
 61 fito no esquecemento e mantexamos esta data instaurada por Galiza Nova.

#### 63 **1.7. Simpatizantes.**

65 Todas as mozas e mozos que hoxe formamos parte de Galiza Nova, facémolo grazas a un impulso no seu momento, que nos deu  
 66 pé a participar da organización. Existe un grande número de mozas e mozos que están interesadas en coñecer máis sobre o noso  
 67 proxecto político, mesmo con intención de colaborar, mais que precisan dese impulso para dar o paso. Ademais de darlles a coñecer a  
 68 nosa alternativa nacionalista, debemos ofrecerlles todas as facilidades para que colaboren, fomentando a súa participación a través de  
 69 asembleas abertas nas que expresen a súa opinión ou en grupos de traballo nos que poidan colaborar. É vital para esta organización  
 70 prestarlles a súa debida atención ás simpatizantes, xa que realizando un óptimo traballo coa nosa base simpatizante, seremos quen de  
 71 conseguir que pasen a defender o noso proxecto político de xeito militante.

73 Para aumentar o número de mozas e mozos interesadas en coñecer o noso proxecto político, debemos aumentar os esforzos en  
 74 estar presentes en todos os ámbitos de socialización da mocidade galega, procurando recoller a denuncia das diversas problemáticas  
 75 da mocidade galega e orientalas a unha resposta global. Debemos pór especial atención a coordinar unha acción continuada no ámbito  
 76 do ensino -en plena colaboración co estudantado nacionalista organizado- buscando permanentemente ampliar a base de simpatizantes  
 77 co traballo sistemático. Para levar este traballo a cabo, e preciso contar coa militancia desprazada e con simpatizantes que colaboran  
 78 habitualmente e que poden servir de exemplo para animar ás estudantes a formar parte da nosa base simpatizante. As problemáticas  
 79 locais, coa debida resposta da nosa organización, tamén deben ser aproveitadas para dotar a Galiza Nova dunha sólida estrutura nas

1 localidades e comarcas. Esta estrutura de simpatizantes a nivel local e comarcal debe estar en continuo aumento, polo que é preciso  
 2 que en cada comarca se actualice constantemente o censo de simpatizantes existente, no que se inclúan todos os datos posíbeis -nome  
 3 e apelidos, idade, correo-e, teléfono, enderezo, centro de estudo ou traballo, ámbito de estudo ou traballo...-. Estes datos, á medida que  
 4 se actualicen, deberán ser enviados á sede nacional para seren incorporados ao censo nacional de simpatizantes.  
 5

6 Para establecer unha comunicación continuada coa nosa base simpatizante, contamos co "Mocidade.GZ", un boletín electrónico de  
 7 comunicación, a través do que se recibe información da nosa actividade e posicións. Xa que contamos cos medios para aumentar o  
 8 capital humano da organización, é de vital importancia que a nosa militancia interiorice a necesidade de recompilar contactos que poidan  
 9 estar interesados na nosa actividade para incluílos nos censos de simpatizantes.  
 10

## 11 **1.8. As sedes do BNG e Galiza Nova comarcais. A Sede Nacional de Galiza Nova e actividade social.**

12  
 13 Aínda que o traballo de Galiza Nova é esencialmente a nivel de rúa, debemos seguir avanzado nos compromisos tomados na anterior  
 14 Asemblea Nacional no relativo a facer dos locais de Galiza Nova e o BNG centros visíbeis, que ademais de servir como actualmente  
 15 funcionan (espazo de encontro e traballo para militantes e simpatizantes e colectivos sociais) se tornen en espazos referenciais  
 16 socialmente. Non fomos quen de crear locais sociais nos puntos con máis militancia do País, materia que fica pendente para este novo  
 17 período e que debe basearse no seu funcionamento como centro de encontro coa sociedade, con actividade continuada con oferta  
 18 formativa e de lecer, e como vía de ingresos para a organización, a xeito de ateneo que sería xestionado pola militancia de Galiza Nova.  
 19

## 20 **2. COMUNICACIÓN**

### 21 **2.1. Comunicación interna nacional e comarcal/local.**

22  
 23 Ademais da comunicación cotiá entre a organización nacional e as comarcas e localidades, dotámonos de circulares que recollen os  
 24 acordos tomados e as liñas para a planificación do traballo político e que se envían a responsábeis comarcais e locais. O Galiza Nova  
 25 Comunicación é o boletín electrónico nacional que se envía a toda a militancia con información específica. Mais para sermos unha  
 26 Galiza Nova activa e organizada é necesario sistematizar a comunicación en todos os niveis, entre a militancia e as responsabilidades  
 27 a nivel local, comarcal e destas coa Sede Nacional. Téñense detectado eivas serias neste período, como son convocatorias de  
 28 asembleas comarcais realizadas en prazos curtos e non estatutarios, imposibilitando asistencias, e mesmo omisión do deber das  
 29 responsabilidades comarcais/locais de manter informada a toda a militancia das resolucións políticas e acordos tomados pola  
 30 Dirección, favorecendo descoñecemento e desconexión da mesma. É urxente que a nivel comarcal e local se asuma a comunicación  
 31 interna e a socialización dos acordos tomados como absoluta prioridade política.  
 32  
 33

### 34 **2.2. Comunicación externa.**

#### 35 **- Mellorar a nosa comunicación interna e externa para unha maior influencia**

36  
 37 A nosa organización fixo esforzos para mellorar a nosa comunicación. Realizáronse importantes cambios na nosa paxina web e  
 38 abríronse canles directas coa sociedade mediante as redes sociais a nivel comarcal e nacional. Estes esforzos na procura de unha mellor  
 39 comunicación supuxeron un maior achegamento da nosa mensaxe á mocidade. Debemos:  
 40  
 41

42 - Dende a Comisión Permanente, proceder neste período á constitución dun Grupo de Traballo Nacional de Comunicación: un  
 43 espazo máis delimitado para debater melloras e criterio para realizar un discurso público máis pedagóxico e contundente. Debemos ter  
 44 como premisa básica no modelo comunicativo a necesidade dunha maior pedagogía, claridade ideolóxica e capacidade de axitar e chegar  
 45 ás persoas ás que nos diriximos.

46 - Dotarnos dunha axenda mediática planificada. Realizar notas e roldas de prensas nacionais, comarcais e locais en  
 47 colaboración co BNG.

48 - Continuar avanzado no aproveitamento dos recursos audiovisuais. Debemos fomentar o material audiovisual, formativo e  
 49 dinámico e que as nosas campañas atendan á difusión deste tipo de formato.

50 - Actualizar o Plan de comunicación, que deberá ser facilitado á militancia, coas indicacións axeitadas en canto as accións a  
 51 desenvolver, liña gráfica e boas prácticas –no contido e na periodicidade- nas publicacións, entre outros aspectos. Organizaranse  
 52 obradoiros naquelas comarcas onde for precisa formación neste eido, explicando a estratexia dixital contida no Plan de Comunicación.

53 - Recuperar o Servizo Nacional de Publicacións que terá como obxectivo actualizar a guía de estilo e manual de identidade  
 54 gráfica de Galiza Nova e que actualice as normas básicas de comunicación que se teñen que aplicar á imaxe, co fin de que esta poda  
 55 ser recoñecida de xeito rápido e eficaz, unitario e coherente. A guía procurará un carácter práctico e inmediato, visual. Deberá ser un  
 56 instrumento útil e accesíbel á militancia que permita empregar modelos para uso inmediato, tanto nos formatos habituais na ofimática  
 57 como en aplicacións específicas de imprenta ou de deseño gráfico en formatos non privativos.

58 - A nosa comunicación debe ser motivadora, pedagóxica, clara no ideolóxico e capaz de chegar emocionalmente á mocidade.  
 59

#### 60 **- Sobre os soportes e publicacións de Galiza Nova:**

61 En formato dixital contamos con:

62  
 63 - Páxina Web: Debemos dar máis protagonismo na Web á información comarcal e local. Cómpre que as localidades envíen a  
 64 nacional máis información do traballo realizado e análise de problemáticas comarcais/locais máis concretas. Debemos dinamizar a Web  
 65 nacional de Galiza Nova como un espazo virtual de referencia para a mocidade nacionalista galega. Procurar pendurar máis artigos de  
 66 opinión, formación e investigación para ofrecer un maior dinamismo na nosa páxina.

67 - Perfil nacional de Instagram e perfís nacional e comarcais de Facebook e Twitter: Cada rede ten as súas regas de linguaxe,  
 68 formas de transmitir e público obxectivo que debemos ter en conta ao xerar unha información. Cómpre que en Facebook e Twitter haxa  
 69 unha liña comunicativa nacional e comarcal en maior consonancia, e que as redes comarcais non só compartan contidos da nacional,  
 70 pois o seu sentido de existir é a xeración de contidos propios aplicados á zona que se correspondan e de maneira diaria. Así mesmo, o  
 71 perfil de Instagram debe continuar a ser unicamente nacional, evitando a proliferación de contas con baixa actualización de contidos e  
 72 centralizando a mensaxe. Isto requirirá unha comunicación directa das responsabilidades comarcais/locais coa persoa encargada do  
 73 Instagram para dar cabida aos contidos que consideren necesarios.

74 - Cadernos formativos de Galiza Nova e Galiza Nova Formación: son dous soportes que temos posto en marcha neste período  
 75 para ampliarmos coñecementos. Na medida das posibilidades económicas cómpre destinar orzamentos á impresión dos cadernos para  
 76 distribuír entre a militancia e simpatizantes, pois é máis fácil para a súa lectura e difusión o formato papel.

77 - Mocidade GZ é o boletín electrónico de Galiza Nova que recibe a base de simpatizantes. É unha ferramenta útil e rápida de  
 78 comunicación sobre cuestións moi concretas e actividades.  
 79

1 Os nosos cabeceiros impresos:

- 2
- 3 - Mocidade: como voceiro nacional de Galiza Nova é unha ferramenta que cada ano mellora, conseguindo unir formación con contidos e  
4 deseños atractivos para a mocidade. Melloramos na súa difusión e antelación, servindo nos últimos anos para difundir o Festigal. Cómpre  
5 seguir a manter esta liña e o esforzo comarcal na achega de publicidades para garantir a súa viabilidade e a voluminosa tirada de  
6 exemplares impresos que nos permite achegalo a moitos centros de ensino, festivais etc. É preciso continuarmos a publicar o Mocidade  
7 antes do remate do curso, de xeito que nas últimas semanas de aulas poida repartirse nos centros de ensino, promocionando a actividade  
8 da nosa organización, nun momento onde animala a participar connosco é máis factíbel.
- 9
- 10 - Activas: o voceiro da Asemblea Nacional de Mulleres de Galiza Nova mantén unha periodicidade mínima que cómpre ampliar, mais cun  
11 formato atractivo como foi o Activas coa banda deseñada sobre micromachismos. Esta é a liña que debemos seguir, xuntando contido  
12 formativo e formato atractivo para a súa lectura.
- 13
- 14 - Lume: a este cabeceiro de ensino medio herdado de ERGA dotámolo dunha periodicidade mínima estábel neste período. Funciona  
15 como folla axitativa e de achegamento ao estudantado de ensino medio. Os seus contidos nos últimos catros anos centráronse nos  
16 motivos de folga estudantil e na LOMCE. Cómpre abordar con máis detemento este voceiro para que sirva para achegar máis información  
17 de interese á mocidade de medias.
- 18
- 19 - Voceiros Comarcais ou Locais: son unha ferramenta a recuperar neste período nas localidades e comarcas onde sexa posíbel a súa  
20 edición e a súa distribución tanto en formato dixital como en papel. Os voceiros comarcais e locais son unha ferramenta útil para achegar  
21 a nosa mensaxe á mocidade, adaptando campañas nacionais a problemáticas máis achegadas ou poñendo o foco en cuestións  
22 comarcais ou locais. A comarca/localidade coordinarase co Servizo Nacional de Publicacións para a elaboración do voceiro.